

那文毅公奏議

邵文毅公三任陝甘總督奏議目錄

卷五十八

籌備邊儲

興建義倉

懇恤民瘼

籌濟南河工需

變通徵草處分

卷五十九

朔方水利

請禁新疆私茶

酌改邊防佐貳官制

整飭武備

籌劑營伍

斷定蒙古地界

那文毅公三任陝甘總督奏議卷五十八目錄

卷五十八

籌備邊儲

興建義倉

懇恤民瘼

籌濟南河工需

變通徵草處分

那文毅公三任陝甘總督奏議卷五十八

上海市庫史文
獻圖書館藏

男容安恭輯

籌備邊儲

道光四年閏七月十六日

奏爲籌補省會倉糧積貯以備急需恭摺奏

聞事竊甘省民貧地瘠戶鮮蓋藏省會要區倉儲之備

所係更重

臣

前任陝甘總督時省會因之地商賈

雲集食口浩繁而臯蘭額徵不敷供支兵糧尤需

採買省城以內旣無富實之戶倘有緩急竟無十

口之糧當於嘉慶十八年奏奉

諭旨准撥鎮番縣倉糧或十萬或五萬石專款封貯以備
不虞非遇急需不許擅動嗣經撥貯糧三萬八千
四百餘石因臯蘭疊遇偏災

奏請出借籽口將前項糧石已陸續動用無存而借
出之糧又緣遞年災緩尚未徵還以致現在倉儲
竟屬空虛近年甘省仰賴

皇上鴻福地方平靜年穀順成正當預籌積貯有備無
虞是方今政務莫要於此惟前項備貯之糧旣已
借動無存倘遇緩急殊無足恃若此時仍籌撥鄰
邑之糧則又須陸運盤腳浩繁

國家經費有常未便輕議且恐地方官辦理不善轉
啟弊端臣再三籌計惟查皋蘭有嘉慶二十一二
四等年前督臣先福長齡節次奏明預買兵糧六
萬三千二百餘石除現在因該縣夏田受旱

奏請於此款內減糶十之三四外尙存糧數萬石此
項糧石如糧貴之年留備兵糧估撥尋常糧賤之
年不准動用現已曠貯多年未經支動合無仰懇
聖明指示卽於前項預買兵糧內將動缺備貯之糧照
數由此項撥還原款仍加意永遠封貯如遇急需
必須專摺先行奏明方准動用其尋常借糶等事

原款永遠封貯如遇急需奏明方准動用其尋常借
糶等事一概不准擅動動則勒令賠補以杜弊混仍
俟出借籽種口糧陸續徵完卽將預買兵糧之項照
數徵還

興建義倉

道光五年八月十八日

奏爲籌備各屬義倉以資儲備而濟荒歉恭摺奏

聞事竊維養民之政首重厚生而足食之原莫先儲積
矧甘省地居邊塞土瘠民貧年豐則不知蓋藏歲
歉則倍形困頓雖疊次仰蒙

恩旨借緩頻施而動輒仰給於官究未可恃爲常策查
甘省山多地曠氣候高寒暘雨稍不應時收成易
致減歉而邊氓又拙於生計率以終歲所獲僅供
終歲之需但遇薄收除官爲接濟而外惟稱貸於

地方殷實之戶弱者不過倍息相通强者遂致聚
衆勒借甚而無賴奸民乘機煽亂竊搶地方官辦
理少有不善卽至滋生事端臣蒞甘三載刻思彌
患儲備之方乃邇年歲事久豐未便輕言舉辦今
夏仰叨

聖主鴻福二麥普收秋禾亦稱大有自應乘時亟籌良
法以劑盈虛伏思常平定制出納維官社穀章程
例當取息求其以民濟民而一切仍可聽民經理
者莫若勸辦義倉最爲稱便查乾隆十二年間欽
奉

上諭勅令各直省查辦義倉曾經前撫臣黃廷桂奏明甘
省地方瘠陋一時驟難勉強請俟勸捐社倉充裕
後再行酌量辦理當蒙

允准嗣因未得舉行是以前督臣勒保於五十六七等年
奏報社倉糧數節經聲明甘省向無義倉各在案
竊思義社兩倉均係惠民善政原可相爲表裏第
甘省雖舊有社倉而當日立法未備捐數未充歷
年久貯在倉仍屬有名無實似應因時變通另設
義倉俾令積蓄饒多專爲備荒之用查甘省各廳
州縣通共七十餘屬內除安西玉門敦煌等處設

處關外情形與內地有殊似不必一律拘泥轉有窒礙其餘州縣雖地方饒瘠不齊而設法勸捐多寡總有裨益

臣

於夏收以後卽先捐廉買糧一千

石並據藩司楊健捐糧一千石臬司蔡炯捐糧五百石蘭州道楊翼武捐糧四百石蘭州府知府桂明捐糧四百石皋蘭縣知縣李清傑捐糧四百石存貯省城公所以爲倡率隨飭所屬各就該處情形出示曉諭剴切勸導不限糧數不拘色樣不經胥吏紳監之手第置印簿數本分給四鄉悉聽民間量力捐輸無論貧富均弗稍事勉強並就其所

捐糧數分別予以獎賞查定例紳士商民捐義倉糧十石以上者地方官獎以花紅三十石以上者獎以匾額五十石以上者申報上司遞加獎勵如有尙義樂施數至三四百石者該督撫奏給八品頂戴等語此次勸令捐輸卽飭地方官查照辦理惟其間數至三四百石卽行奏給八品頂戴未免過優應俟捐至五百石以上再行酌量題奏商民給予頂戴職官給予議敘一有成數亦不必驟議建倉或就公所或賃閒房或覓廟宇中之潔淨空房懸掛某處義倉匾額就近存貯各處老成公正

殷實可靠之農民二人令充倉正倉副專司經理
一年無過照例給以花紅三年無過獎以匾額五
年無過免一身差役十年無過另行酌量優獎仍
嚴禁一應鄉保官人不准稍有干預其所存糧石
凡在有收之年毋庸春借秋還以免漸滋虧欠但
遇歉歲卽由倉正副稟明地方官察看輕重情形
詳報上司分別動用少歉之年或借給籽種豐收
後加息還倉或減價平糶糧賤時照數買補再歉
之年准借免息歉甚之年卽以此項糧石設廠煮
粥俾資賑恤仍俟成熟之時再行勸輸補足照舊

收貯如此因民利民庶以樂歲之有餘濟歉年之
不足捐則出於樂輸用亦惠而不費似於備荒救
歉之中猶不失閭黨相賙之義臣現與司道熟商
至再議立條規復飭各屬一體遵辦去後茲據陸
績稟報各道府率屬均已倡捐民情踴躍其間辦
有成效者已得三十餘處所捐糧數自五六百石
至一萬餘石不等並有捐輸銀一千餘兩錢二千
餘串以爲買糧之用者其餘各廳州縣亦均在勸
辦尙未報齊察其大局情形可望全行集事臣仍
一面認真督勵隨在妥籌期於年內一律告蒧彼

時得有總共實數再行具摺奏

開先將現在議定條規恭錄呈

覽伏乞

聖明指示俾飭各屬實力奉行並請嗣後每屆年終將

一歲收除動存各數目由各州縣開送藩司核明

詳報臣衙門彙總具奏一次事須專責可杜廢弛

而昭嚴實務使法立可久利盡便民俾瘠苦邊氓

藉得其敦任恤之風咸獲含哺之樂庶以仰副

皇上惠愛元元履念邊陲之至意至於勸捐州縣本屬

分所應爲惟念事經創始辦理亦費經畫且俱捐

廉倡捐頗爲奮勉如果認真安速將來竣事以後
可否擇其出力人員奏請

勅部議敘以示鼓勵出自

格外天恩謹

奏

謹將甘省議定義倉條規繕具清單恭呈

御覽

一義倉勸輸糧石地方官宜先剴切出示曉諭也
查甘省地方瘠薄向鮮蓋藏幸遇今歲夏秋兩
季到處豐登各該州縣應先出示諭以設立義

倉乃賑恤鄉黨之意不許吏胥過問原以豐年
富戶之有餘備歉歲貧民之不足糧仍存於民
間惠亦被在閭里既有義倉卽偶遇歉年亦可
免地方窮人強借強索之擾以此大義剴切示
知一面傳集各鄉誠實士民面加曉諭令其於
鄰里鄉黨中之有力者廣爲勸導自必各自量
力樂於捐輸現在地方官均已首先酌捐爲士
民之倡則尤當觀感興起不患無成

一勸捐糧石宜設簿分給登填不許令鄉保胥役
經手免致滋擾也查旣示之後地方自有願捐

之人若令鄉保書役從而催集必致弊竇叢生
民受其害各該州縣應設立捐簿多本給發傳
到之各鄉誠實士民各自領去有情願捐糧者
不限數之多少聽其量力先於簿上寫明不願
者卽屬富戶亦不許抑勒勉強該州縣仍於簿
面之上大書聽民量力酌捐不許抑勒勉強等
字樣以杜經手者從中派累

一各鄉貯糧之處宜早爲預定也查義倉糧石原
爲利民起見自應於四鄉分倉收貯惟官爲建
倉則經費難籌勸民另捐則勢有未逮甘省各

州縣向來本建有社倉及從前納監鄉倉以及
官貯糧口之鄉倉亦在在有之應卽飭令一一
查明稍加修葺近某鄉者卽貯某鄉之糧如無
此等倉廩之處或就近廟宇空房亦不妨收貯
仍刻某里義倉四字懸牌於倉門之上俾有區
別此後倘有好義之士情願捐建倉廩者亦聽
其便報明給獎

一各倉宜慎擇公正之人充當倉正倉副以司出
納也查各鄉寫捐之後自然就近繳糧收納之
人亟應慎選向來各地方充膺社長凡有身家

者往往懼經胥之需索借糧之著賠無不視爲畏途以避免爲幸事其有願充者大率皆無賴劣矜才監每每串通吏役侵漁盜賣無所不爲此等流弊不可不慎之於始應令該州縣飭令各鄉公舉品行端方衆所推服家道殷實者二人充膺倉正倉副一切收貯出納責令經理一年無過照例給以花紅三年無過獎以匾額五年無過免一身差役十年無過另行酌量優獎如有經理不善滋弊者卽行革懲侵蝕者以監守自盜例治罪所少糧石著令賠還如有事故

聽同社自保安人請換若官吏藉端侵蝕均照
監守自盜例加等治罪

一捐糧收貯一有成數應由官爲查驗一次俾有
稽考也查義倉勸捐收貯一切事宜固不必官
爲經理致啟弊端然甫定章程事方經始所捐
之糧是否足數若盡委之於初膺之倉正副似
亦未協應令該牧令於各鄉捐有成數之後卽
收回捐簿核計是鄉捐糧之數輕騎減從親赴
查驗確切眼同倉正副將倉廩一一加用印封
封貯完固一面將各戶捐糧數目開寫花名榜

示倉前曉諭一面照開清冊通報各上司衙門
備查此後如須開倉由倉正副隨時稟明該州
縣親自馳往取同啟封加封庶彼此牽制無虞
欺隱

一收貯糧石如成熟之年不必春借秋還以杜絕
欠漸歸無著也按義倉之設原係每歲令民按
貧富輸之該社遇有歉年卽行賑給並無流通
出納之事惟社倉則春借秋還歷久遵辦今旣
創立義倉則循名責實似應區分况甘省貧戶
居多如每屆借給籽口領則爭先恐後徵則十

無一完其借貸義倉者豈轉能急公完繳必致
年復一年欠無底止及至歉年需用反有不敷
似不若竟循義倉舊制如遇歉歲隨時察看輕
重情形查明實係有地農民輕則或量借籽種
豐年每石加息一斗還倉或減價平糶將糶價
收存報官俟糧價平減之時照數買補再歉之
年准借免息歉甚之年卽動用糧石設廠煮粥
動缺之數仍於有收之年勸輸補足均稟明地
方官轉詳各上司立案備查其非被災之鄉雖
同在一邑不得一力援辦以歸核實若成熟年

分均仍封貯在倉毋庸春借秋還免滋拖欠

一兇徒恃強勒借宜隨時懲辦以免倉正副之受累也查倉糧既非歉年不動則平時斷難通融如有地方無賴之徒恃強勒借向倉正副藉端滋鬧者許隨時稟官懲治如倉正副徇情私借許本處民人公同指實具稟著賠究辦

一收放倉糧人工口食及修倉鋪墊等項宜量動息糧如有不敷官爲捐辦以杜派擾也查倉正副管理倉務固其分內之事然糧貯在倉不能不常年專人看守應令倉正副自保妥人派令

看管歲需口食稟官核給此外開放倉糧之際
應用量斛人夫應令倉正副隨時僱備均不許
官派斗級從中經手其應給工價與倉內需用
鋪墊及倉房偶須修補亦俱由官酌定於各該
倉所收息糧項下動支惟存糧既不常年出借
收貯息糧或有不敷支放之時應卽由地方官
捐辦該州縣身任地方於此等恤民善政自當
不吝捐廉共知踴躍况每年所費自屬無多卽
缺分清苦亦不致因此增累

一捐糧之戶宜照例以次優獎以示鼓勵也查定

例紳衿士庶捐輸社穀各色襍糧核計數目與穀石價值相同十石以上者地方官獎以花紅三十石以上者獎以匾額五十石以上者申報上司遞加獎勵若有好善不倦年久數多捐至三四百石者如係平民督撫奏給八品頂戴如有職官者請給議敘捐輸義倉穀石與社倉之例相同今各屬勸捐獎勵章程似應照此分別辦理惟數至三四百石卽行奏給八品頂戴未免過優應挨捐至五百石以上者再行酌量題奏商民給予頂戴職官給予議敘俾於勸善之

中仍杜冒濫再各處難糴糧石俱用市斗而市
斗有大小之分均不畫一應令俱各按倉斗計
數請獎卽貯倉報數亦應以倉斗爲定其以下
色糧石捐輸者亦按例折半合計以歸畫一而
免參差

道光五年九月初八日奉

上諭那彥成奏籌辦各屬義倉以資儲備一摺甘省山
多地曠暘雨稍不應時卽致收成歉薄而邊氓又拙
於生計夙鮮蓋藏本年二麥曾收秋禾亦稱大有自
應乘時亟籌儲備據該督奏請勸辦義倉俾積貯饒

多專爲備荒之用所有口內各廳州縣除安西玉門
敦煌等處設處關外情形與內地不同其餘州縣雖
地方饒瘠不齊而設法勸捐多寡總有裨益現經該
督及司道等分別捐廉買糧以爲率倡並通飭所屬
各就該處情形出示曉諭剴切勸導令民間量力捐
輸並就其所捐糧數分別予以獎賞各屬民情踴躍
辦有成效者已得三十餘處其餘各廳州縣可期年
內一律辦竣所有議定規條著照所議辦理卽交長
齡飭屬實力奉行以期經久無弊嗣後每屆年終將
一歲收除動存各數目由各州縣開送藩司覈報該

督景奏一次其勸捐各州縣如果辦理奮勉認真妥速事竣後著該督擇其出力人員奏請議敘以示鼓勵

容安謹案此奏到京已在 先公奉

旨入

覲之後奉

諭交後任長公齡接辦

懇恤民瘼

道光二年十月二十八日

奏爲酌接貧民冬底口糧數目恭摺奏

聞事竊查甘省地瘠民貧素鮮蓋藏本年河州等州縣
高低牽算收成雖有七八分不等其間夏秋禾偏
被災傷村莊收成歉薄時屆隆冬貧民難免乏食
之虞茲據署藩司徐承恩詳稱據各道府轉據河
州等州縣詳請借給口糧以資民食該署司查核
地方情形並倉貯之多寡分別核減酌借河州渭
源靖遠沙泥州判洮州廳靜寧州安化縣秦州清

水縣靈州共倉斗糧一萬八千六百石統令於十二月在該州縣等倉貯糧內按數散放俾資接濟詳請具

奏前來臣覆加查察該署司酌借口糧數目係屬核實辦理如奉

恩旨准行臣仍敬刊謄黃張掛務使家喻戶曉貧民均沾實惠謹

奏

道光二年十一月十七日奉

上諭那彥成奏酌借貧民口糧一摺甘省河州等州縣

因本年夏秋偶被偏災收成歉薄經該督查明時屆
隆冬貧民乏食堪虞自應分別借給口糧以資民食
加恩著准借給河州口糧二千石狄道州口糧二千
石渭源縣口糧一千五百石靖遠縣口糧二千石沙
泥州判口糧八百石洮州廳口糧八百石靜寧州口
糧二千石安化縣口糧一千五百石秦州口糧二千
石清水縣口糧二千石靈州口糧二千石共倉斗糧
一萬八千六百石統令於十二月內在該州縣倉貯
糧內按數散放俾資接濟務使閭閻均沾實惠毋致
失所用示朕軫念窮黎至意該部知道

道光二年十二月初十日

奏爲遵

旨復查甘省被災收成歉薄地方來春酌借籽糧口糧
數日事道光二年十月初二日奉

上諭本年甘肅文縣地震靜寧等六州縣被災經該省
奏到均已隨時降旨分別蠲緩賑卹小民諒不致失
所惟念來春青黃不接之時民力不免拮据著傳諭
該督體察情形如有應需接濟之處卽查明據實覆
奏務於封印前奏到候朕於新正降旨加恩再甘肅
隴西等十五廳州縣被水被雹已據該督奏明查勘

亦著迅速辦理並將來春應否接濟之處一併查明
於封印前奏聞欽此仰見

皇上軫念民艱

恩施稠疊不勝欽感欽佩遵卽行司確查去後茲據藩
司朱桂楨詳稱遵查本年夏禾被災之靜寧等六
州縣地震之文縣被雹被水之隴西等十五州縣
內除被災之靈州渭源靖遠碾伯岷州皋蘭金縣
隴西伏羌安化中衛沙泥州判紅水縣丞又被水
之河州等十五州縣州判縣丞地方雖被偏災或
收成尙好或借給冬底口糧或另有撫恤黎庶不

致失所毋庸借給籽種口糧外惟被災之靜寧等
七廳州縣地方收成歉薄民力未免拮据據各道
府具報請借籽種口糧以資接濟現經查明各該
地方情形酌借靜寧州西寧縣洮州廳秦州狄道
州寧州安定縣等處來春籽種本色糧共酌借倉
斗一萬七千一百石請在各該處額徵糧內動用
如額徵不敷支放卽動用常平糧石詳請具

奏前來臣覆加查核該司酌借籽種口糧數目俱係
核實辦理俟欽奉

恩旨後臣敬刊謄黃張掛務使窮黎均沾實惠仰體

皇上子惠元元有加無已之至意謹

奏奉

硃批候旨施行

道光三年正月初四日奉

上諭上年直隸靜寧等七廳州縣被水被旱被雹節經降旨分別蠲緩小民餬口有資無虞失所惟念東作方興青黃不接小民蓋藏未裕恐不免拮据加恩著照所請將靜寧西寧洮州秦州狄道寧州安定等七廳州縣賞借本色糧倉斗一萬七千一百石在於各該處額徵糧內動用如額徵不敷支放卽著動用常

平倉糧該督務需飭屬認真經理俾實惠及民以示
朕履端布闔加惠閭閻至意

道光三年十一月初二日

奏爲酌借貧民冬底口糧恭摺奏

聞事竊查甘省各屬本年夏禾間有被旱被雹被水之
處前經委員勘明不致成災仍應俟秋成後確勘
分數體察民情如有應需接濟之處另行酌量辦
理奏蒙

聖鑒在案茲據署藩司楊興武詳據各道府轉據皋蘭
等州縣各以本年秋收雖七八分有餘而其中夏

秋二禾偏被災傷之區民力未免拮据請於冬底
借給貧民口糧等情經該司查核地方情形並倉
貯多寡酌借阜蘭隴西伏羌通渭漳縣靜寧州隆
德安化平羅秦州秦安清水禮縣涇州崇信靈臺
等州縣口糧一千石以上共借本色倉斗糧二萬
七千一百石折色銀二千八百兩所借糧石在於
倉貯額徵糧內支放如額徵不敷卽動用常平糧
石散給其折色銀兩在於司庫寄貯糧價款內借
發等情詳請具

奏前來

臣

伏查甘省地方本屬民貧地瘠素鮮蓋藏

本年臯蘭等州縣中夏秋二禾偏被一隅災傷之處民力旣形拮据時屆寒冬自應酌借口糧以資接濟所有該司酌借各數臣覆加查核亦均核實合無仰懇

天恩俯准照數借給以仰副

皇上念切民依之至意謹

奏

道光三年十一月十九日奉

上諭那彥成奏酌借貧民口糧一摺甘肅臯蘭等州縣本年夏秋禾偶被偏災經該督查明時屆寒冬民力

拮据自應酌借口糧以資接濟加恩著准借給皋蘭
縣口糧五千一百石隴西縣口糧折色銀一千兩伏
羌縣口糧一千石通渭縣口糧一千石漳縣口糧折
色銀八百兩靜寧州口糧折色銀一千兩隆德縣口
糧一千石安化縣口糧一千石平羅縣口糧五千石
秦州口糧四千五百石秦安縣口糧一千石清水縣
口糧一千石禮縣口糧二千石涇州口糧二千五百石
崇信縣口糧一千石靈臺縣口糧一千石共本色倉
米糧二萬七千一百石折色銀二千八百兩所借糧
食在於倉貯穀徵糧內支放如有不敷卽同常平糧

石散給其折色銀兩在於司庫寄貯糧價款內借發該督仍責成該管道府委員會同該州縣按戶散放如有胥役人等剋扣滋弊卽行嚴叅究辦務使閭閻均沾實惠毋致失所用示朕軫念窮黎至意該部知道

道光四年閏七月初三日

奏爲減價平糶倉糧以濟民食而平市價事竊查甘肅地處邊陲民貧土瘠戶鮮蓋藏本年入夏以來雨澤稍稀夏禾間有被旱歉收現據皋蘭等州縣稟報前來業經臣委員分往查勘另行核辦惟皋

蘭爲省會首邑人烟輻輳食指浩繁因值夏收歉薄市糧日少而價值日昂貧民買食維艱體察情形自應減價平糶以濟民困茲據藩司楊健詳據皋蘭縣知縣王簡具稟該縣倉貯糧石除額徵留備外尙有歷年預買本色糧六萬三千二百餘石堪以酌動十分之三四乘時出糶第現在省城市集糧價每倉斗小麥一石需銀二兩九分三釐爲數較昂此所減價值若僅照常例每石減銀一錢尙不足以平市價且恐窮民糶食猶艱未得渥沾實惠查例載若歉歲米價過昂應大加酌減者該

督撫確查核減一面奏

聞一面發糶總不得過三錢等語

臣

確按情形較量市

價與司道等再三籌酌應請每石照依市價減銀
一錢五分以一兩九錢四分三釐出糶如此量爲
變通庶窮黎無虞食貴而市僧亦未由居奇瘠土
編氓無不感沐

恩慈咸資鼓腹現已飭令藩司轉飭該縣出示曉諭該
廠發糶臣仍隨時督飭稽查不使胥役奸商侵漁
國積務期

恩膏普被以仰副

皇上念切民依之至意至所糶糧價飭令隨時交存府庫倘以後市價平減仍不拘定數卽行停止俟本年秋成後買補還倉不致稍有短缺再此外各屬糧價如再有市集增昂應行出糶之處並請卽照此減價查明核實平糶隨時咨部謹

奏奉

硃批依議妥辦

道光四年十一月初五日

奏爲勘明秋收歉薄地方懇請緩徵錢糧以紓民力事竊查本年河州等三十三廳州縣夏秋禾滿被

災傷先經地方官勸諭農民改種晚秋聲明俟秋
成勘辦恭摺具

奏在案茲據藩司楊健督飭委員會同各地方官同
續報秋禾被雹被水之伏羌寧遠會寧平涼寧夏
寧朔靈州平羅等處一併勘明分別辦理並前報
之皋蘭河州狄道靖遠金縣渭源沙泥州判隴西
西和安定會寧通渭寧遠靜寧隆德莊浪縣丞東
樂縣丞武威古浪平番西寧碾伯大通靈州等二
十四處收成歉薄詳請

奏懇緩徵前來臣覆查皋蘭等州縣前被偏災之處

既據查明補種晚秋收成歉薄民力實形拮据合
無仰懇

聖主鴻慈准將臯蘭等二十四州縣州判縣丞地方應
徵本年新舊錢糧草束緩至來年秋後徵收以紓
民力至漳縣洮州安化撫彝張掖山丹永昌中衛
貴德肅州高臺毛目伏羌平涼寧夏寧朔平羅等
一十七處夏秋禾雖被偏災僅係一隅中之一隅
所有應徵新舊錢糧照舊催輸俟冬底春初察看
民情如有應須酌借籽口以資接濟之處另行據
實

奏請謹

奏

道光四年十一月二十四日奉

上諭那彥成奏秋收歉薄地方請緩徵錢糧一摺甘肅
省本年河州等廳州縣夏秋二禾偶被偏災經該督
委員會同各地方官分別辦理茲據勘明除漳縣等
處秋成尙屬有收毋庸查辦惟臯蘭等州縣收成歉
薄民力拮据自係實在情形加恩著照所請准其將
臯蘭河州狄道靖遠金縣渭源沙泥州判隴西西和
安定會寧通渭隆德莊浪縣永東樂縣永武威古浪

平番西寧碾伯大通靈州等二十四處應徵本年新舊錢糧草束緩至來年秋後徵收以紓民力至漳縣等處仍著該督隨時察看如須酌借籽種口糧以資接濟卽行據實具奏該部知道

道光四年十一月初十日

奏爲酌借貧民冬月口糧恭摺奏

聞事竊查甘省各屬本年夏秋禾間有被旱被雹被水被蟲之處前經委員勘明不致成災仍俟秋成確勘分數體查民情如有應需接濟之處另行酌量辦理奏蒙

聖鑒在案茲據藩司楊健詳據各道府轉據皋蘭等州縣各以本年秋收雖係五六分有餘不等而其中夏秋二禾偏被災傷之區民力不免拮据請於冬底借給貧民口糧等情經該司查核地方情形並倉貯多寡酌借給皋蘭渭源靖遠隴西會寧西和安定通渭隆德靜寧州寧州清水山丹東樂縣丞口糧共二萬五千石所借口糧在於倉貯額徵並常平糧內散給等情詳請具

奏前來

臣

伏查甘省地方本屬民貧地瘠素鮮蓋藏

本年皋蘭等州縣夏秋二禾間有偏災一隅災傷

之處民力旣形拮据時屆冬寒自應酌借口糧以資接濟所有該司酌借各數臣覆加查核均屬核實合無仰懇

天恩俯准照數借給仍俟欽奉

諭旨卽敬刊謄黃遍發張掛一面責成該管道府委員會同該州縣按戶散放如有胥役人等尅扣滋弊嚴叅究辦俾窮黎均沾實惠以仰副

皇上念切民依之至意謹

奏

道光四年十一月二十七日奉

上諭那彥成奏酌借貧民口糧一摺甘省皋蘭等州縣
本年夏秋二禾間被偏災經該督查明時屆寒冬民
力不免拮据請酌借口糧以資接濟著加恩將皋蘭
縣口糧六千石渭源縣口糧一千石靖遠縣口糧二
千五百石隴西縣口糧一千石會寧縣口糧二千五
百石西和縣口糧二千五百石安定縣口糧二千石
通渭縣口糧一千石隆德縣口糧二千石靜寧州口
糧一千五百石寧州口糧二千石清水縣口糧一千
石山丹縣口糧二千石東樂縣丞口糧二千石隄其
在於倉貯額徵並常平糧內照數散給該督責成該

管各員按戶散放毋任胥役人等尅扣滋弊俾窮黎均沾實惠以示體恤該部知道

道光四年十一月二十七日

奏爲減價平糶倉糧以濟民食而平市價恭摺奏

聞事竊查甘省本年旱澇不均歲次歉愆前因阜蘭糧

價昂貴民食維艱會經

臣

奏准減糶倉糧並聲明此外各屬如查有亦應減糶者隨時辦理仰蒙

聖鑒在案茲據藩司楊健詳據渭源縣知縣羅文楷詳稱該縣夏秋二禾收成本屬歉薄入冬以後糧價

日漸增昂而其中豌豆一色前因夏雨愆期收成尤爲最歉現在市集稀少糴買甚艱貧民素賴以豌豆攪和稌糧熬粥餬口更屬必不可缺之物茲據紛紛籲懇官爲減糴查係實在情形查渭源縣倉貯常平額徵項下共貯倉斗豌豆五萬五百八十餘石每歲並無估支兵馬糧料卽有地方動用亦屬無幾歷年積貯較多似應酌動十分之三四乘時減價出糴以濟民困等情前來臣覆查甘省土瘠民貧閭閻生計恒艱均藉稌糧以資接濟該縣地方本年夏間被旱豌豆尤屬歉收以致市集

愈少價值愈昂小民待糶孔殷自應俯從所請惟
豌豆更非米麥可比窮黎食用較多若照阜蘭平
糶麥石每石減銀一錢五分猶不足平市價而廣
實惠查例載若歉歲米糧過昂應大加酌減者該
督撫確查核減一面

奏聞一面發糶總不得過三錢等語臣確按情形熟

商司道應請每豌豆一倉石照依該處市價銀一
兩六錢七分三釐減去三錢以一兩三錢七分三
釐出糶俾貧黎無虞食貴而市儈亦末由居奇將
土編氓無不感沐

聖恩咸資鼓腹並飭藩司轉飭該縣出示發糶

臣仍隨

時稽查不使胥役奸商侵漁固積務期

恩膏普被以仰體

皇上惠愛黎元之至意至所糶糧價飭令隨時解交司庫俟明歲糧價平減卽令請領買補還倉不致稍有短缺此外歉收各屬如再有糧少價昂情形似此者當查明所缺糧色一體核實減糶隨時咨部辦理另行彙奏謹

奏

道光四年十二月十五日奉

上諭那彥成奏減價平糶倉糧一摺甘肅渭源縣地方
夏間被旱豌豆歉收據該督查明入冬以後糧價增
昂所有平糶倉糧自應酌爲減價加恩著照所請將
該縣平糶豌豆每一倉石減銀三錢出糶以裕民食
而平市價該督務當隨時稽查勿使胥役奸商侵漁
囤積俾窮黎得沾實惠以資餬口

道光四年十二月初五日

奏爲遵

旨查明甘省被災歉收地方來春請借籽種口糧以資
接濟事道光四年十月十六日奉

上諭甘肅涇州等四十州縣被雹被旱被水被蟲已據該督奏明委員查勘著將來春應否接濟之處查明於封印前奏聞欽此仰見

皇上軫念民艱

恩施稠疊災區黎庶無不感頌同聲臣遵卽行司確查

去後嗣據藩司楊健詳稱本年被災之皋蘭等三十七廳州縣及續報秋禾被雹被水之伏羌等八州縣內除隴西寧州清水沙泥州判等四州縣州判地方或收成較好或已借冬底口糧民力尙可支持毋庸借給來春籽口外惟被災之皋蘭等四

十一廳州縣縣丞州同同未被災之固原安西二
州各地方收成歉薄民力未免拮据據各該道府
具報前來應請酌借皋蘭河州靖遠狄道州伏羌
安定會寧通渭寧遠漳縣靜寧州隆德莊浪縣丞
固原州安化撫彝廳張掖山丹東樂縣丞武威永
昌古浪平番中衛平羅西寧碾伯大通秦州秦安
禮縣徽縣涇州靈臺鎮原崇信肅州肅州州同高
臺毛目縣丞安西州共酌借倉斗糧八萬五千石
卽在各該處額徵糧內動用如額徵不敷另動常
平倉糧支放惟皋蘭靜寧固原三州縣倉貯額徵

糧石除估撥兵糧及借放冬底口糧外存剩無幾
應在該處倉貯預買糧內動用詳請具

奏前來

臣

覆查皋蘭等四十一廳州縣縣丞州同地

方本年偏被災傷雖據勘不成災但收成既多歉
薄民間又鮮蓋藏明春東作之初民力不免拮据
其固原安西二州雖未成災情形亦復相似自應
一體推廣

皇上量予接濟今據藩司確查情形請借籽口各數經
臣覆加查核俱屬核實無浮合無仰懇

天恩俯准照數借給以仰副

皇上惠愛元元有加無已之至意謹

奏

道光五年正月初七日奉

上諭上年甘肅省皋蘭等州縣被災業經降旨分別緩徵借給口糧小民自可無虞失所惟念今春青黃不接之時戶鮮蓋藏民力仍不免拮据著加恩借給皋蘭縣正二兩月口糧三千石籽種三千石河州籽種二千石渭源縣籽種一千五百石靖遠縣籽種二千石金縣正二兩月口糧一千石籽種二千石狄道州口糧二千石伏羌縣正二兩月口糧一千石籽種五

百石安定縣口糧二千五百石籽種一千五百石會
嵐縣口糧一千五百石籽種一千五百石通渭縣正
二兩月口糧一千石籽種一千石嵐遠縣正二兩月
口糧一千五百石漳縣正二兩月口糧一千石靜嵐
州正二兩月口糧一千石籽種一千石隆德縣正二
兩月口糧一千五百石籽種一千石莊浪縣丞正二
兩月口糧一千石固原州籽種一千五百石安化縣
正二兩月口糧一千石撫彝廳正二兩月口糧二千
石張掖縣正二兩月口糧三千石山丹縣正二兩月
口糧二千石東樂縣丞正二兩月口糧一千石籽種

一千石武威縣正二兩月口糧三千石籽種一千石
永昌縣正二兩月口糧一千石古浪縣正二兩月口
糧一千石籽種一千石平番縣正二兩月口糧三千
石籽種一千石中衛縣正二兩月口糧二千石平羅
縣正二兩月口糧一千五百石西寧縣籽種二千石
碾伯縣正二兩月口糧一千五百石大通縣籽種一
千五百石秦州籽種二千五百石秦安縣籽種二千
石禮縣正二兩月口糧一千石徽縣正二兩月口糧
一千石涇州正二兩月口糧一千五百石靈臺縣正
二兩月口糧一千石鎮原縣正二兩月口糧一千石

崇信縣正二兩月口糧二千五百石肅州州同正二
兩月口糧一千石高臺縣正二兩月口糧二千石毛
自縣丞籽種五百石安西州籽種二千石共倉斗糧
八萬五千石卽在該處額徵糧內動用如有不敷另
動常平倉糧支放此內皋蘭靜寧固原三州縣倉貯
額徵糧石除估撥兵糧及借放上年冬底口糧所存
無幾卽在該處倉貯預買糧內動用以資接濟用示
朕春祺普被惠洽邊陲至意該部卽遵諭行

道光五年三月初四日

奏爲請借貧民青黃不接口糧事竊查甘肅上年被

災地方前經臣奏蒙

聖恩借給籽種口糧以示體恤茲查靖遠等一十八廳
州縣縣丞去歲夏秋二禾收成本屬歉薄兼有偏
被水旱雹傷之區現值青黃不接之際該處乏食
貧民懇請借給官糧以資餬口由各廳州縣縣丞
據情報司經藩司楊健覆核情形酌借靖遠洮州
廳隴西西和漳縣靜寧州隆德莊浪縣丞寧州環
縣永昌古浪平番循化廳清水禮縣兩當靈臺共
酌借口糧折色銀四千兩木色倉斗糧一萬一千
六百石卽在各該處額徵糧內動用如額徵不敷

另動常平及預買倉糧內分別支放至折色銀兩
在於司庫寄貯糧價款內支發等情詳請具

奏前來

臣

覆加查核俱屬核實無浮合無仰懇

聖主鴻施俯准照數借給俾資接濟

臣

仍督同藩司飭

令該道府委員會同該廳州縣縣丞等按戶散放
俾窮黎均沾實惠不致稍有侵欺以仰副

皇上惠愛元元有加無已之至意謹

奏

道光五年三月二十三日奉

上諭那彥成奏請借貧民口糧一摺甘肅靖遠等廳州

縣上年收成歉薄兼有被災之區現值青黃不接之時該處貧民乏食據該督查明懇請恩施著加恩借給靖遠縣三四兩月倉斗口糧八百石洮州廳三四兩月倉斗口糧五百石隴西縣三四兩月口糧折色銀四千兩西和縣三四兩月倉斗口糧一千石漳縣三四兩月倉斗口糧五百石靜寧州四月分倉斗口糧一千石隆德縣三四兩月倉斗口糧一千石莊浪縣丞四五兩月倉斗口糧四百石寧州三四兩月倉斗口糧五百石環縣三四兩月倉斗口糧五百石永昌縣三四兩月倉斗口糧五百石古浪縣三四兩月

倉斗口糧一千石平番縣三四兩月倉斗口糧一千
石循化廳三四兩月倉斗口糧一千石清水縣三四
兩月倉斗口糧五百石禮縣三四兩月倉斗口糧五
百石兩當縣三四兩月倉斗口糧五百石靈臺縣三
四兩月倉斗口糧四百石所有借給本色糧石卽在
各該處額徵糧內動用如額徵不敷另動常平及預
買倉糧內分別支放折色銀兩在於司庫寄貯糧價
款內支發該督卽督飭各員妥爲辦理按戶散放俾
窮黎均沾實惠如查出稍有侵欺卽行嚴叅懲辦毋
許徇隱該部知道

籌濟南河工需

道光五年正月十五日

奏爲籌撥銀兩以資河工急需事竊臣接閱邸抄得悉江南堰圩等處湖堤掣塌漫口一切工程撫卹需用繁多

國家經費有常今值此大工自必上勞

聖慮宵旰不遑臣遠在邊陲不勝焦灼因與藩司楊健

再三商酌籌畫協濟以助工需第甘省每年額徵正襍無多一應兵餉等用俱待各省接濟司庫存貯各款又均有應動之項惟查得向有歸併兵餉

一欸又朋合一欸本係預備甘省兵餉並買補各營倒馬盤費以及工程籽口青海王公台吉俸銀等項不時暫借一俟外省協餉解到卽行提歸還欸以上二項銀兩現存司庫者較爲寬裕旣非應支正項亦非每歲亟需卽有緩急尙可另行設法不致因此短絀是以臣與藩司酌議擬於歸併兵餉欸內撥銀八萬兩朋合欸內撥銀十二萬兩共銀二十萬兩雖爲數無多而當此王需緊要之時似亦不無小補如蒙

俞允應請

勅部卽於長蘆本年協甘兵餉銀三十萬兩之內解甘
十萬兩其餘二十萬兩徑行截撥解赴工所應用
所有甘省應放兵餉當於前項歸併兵餉明合二
款內照數抵放如此酌量通融旣於甘省無虞支
絀而於要工藉可稍資接濟是否有當恭候

訓示祇遵再陝省庫項較之甘省稍爲充裕臣現已札

商撫臣盧坤藩司鄂山能否籌撥協濟之處徑由

撫臣自行具奏謹

奏奉

硃批現在工需已足毋庸議撥有應用之處再降諭旨

變通徵草處分

道光二年十二月初五日

奏爲甘省州縣經徵草束新定處分酌擬變通免滋
民累事竊甘肅各廳州縣每年額徵草四百五十
七萬餘束一歲共支各營喂馬草共需二百五十
餘萬束計多餘草二百餘萬束前於嘉慶二十四
年經陞任督臣長齡議請將歷年舊草減價售賣
外以後新徵草束各就營馬多寡酌留二年之用
餘悉隨時售賣銀兩解交司庫爲津貼河東有驛
瘠苦州縣公費之需並請將州縣經徵草束另列

分數如有未完悉照地方錢糧定例嚴行叅處奏
奉

諭旨准行欽遵在案茲查自新定章程之後兩年以來各
州縣經徵草束固有年清年款之處亦有屢經嚴
催不能全完者臣細加訪查緣甘省州縣地方遼
濶山經叢穰應徵草束爲數甚多瘠磽之區產植
或有不豐兼之鄉民完納動須馱載較之完納錢
糧既有難易之別且草束有穀草麥草穰草之分
應按照色樣額數交納而民間播種每須相地因
時所收色樣與應完色樣間亦不免參差故有錢

糧已完而止欠草束者揆其蒂欠之由尙非有心
違玩查向來甘省徵收草束例無處分自因草束
非錢糧可比是以不列考成陞任督臣長齡前於
籌變草束案內原恐各屬徵變不力因而請嚴其
罰今處分既定仍不能年清年款推求其故實緣
於地利不齊及挽運之艱非概由惰徵所致竊思
草束不過備供各營喂馬之需即變價津貼公費
亦終與

國家正賦不同若與地丁錢糧一律處分既屬無所
區別且慮各屬圖免嚴議催徵過急於鄉民尤有

天恩俯准量予變通將每年各州縣經徵草束未完處
不便但漫無考成亦恐不肖之員罔知顧忌再四
思維合無仰懇

天恩俯准量予變通將每年各州縣經徵草束未完處
分改照未完襍項錢糧之例叅處庶例議得以適
中而輸將無虞迫切此事先經前陞司盧坤詳請
前督臣長齡具奏均因交卸未及入奏今經署藩
司查明案卷呈報請奏前來臣復加查核似屬可
行仍嚴飭藩司及該管道府不時留心查察如有
已完作欠徵多報少以及變價遲延致悞津貼之
需卽據實嚴叅究辦不使稍滋弊混謹

奏

道光二年十二月二十一日奉

上諭那彥成奏甘省經徵草束處分請酌量變通一摺
甘肅各廳州縣每年額徵草四百五十七萬餘束因
徵變不力經前督臣長齡奏請照地丁錢糧完欠分
數叅處茲據該督查明山徑叢襍磽瘠之區產草間
有不豐完納艱於馱載自嚴定章程之後仍不能年
清年欸自係實在情形且草束不過供喂馬之需卽
變價津貼公費亦與正賦不同所有甘省經徵草束
未完處分著改照襍項錢糧之例叅處以示區別該

督仍督飭藩司及該管道府實力稽查如有以完作
欠徵多報少及變價遲延等弊卽據實嚴叅究辦毋
稍徇隱該部知道

那文毅公三任陝甘總督奏議卷五十八